

SECTION

3

OKASA MMARA



ƆKASA DWUMADIE

Ɔkasa Mmara

NNIANIMU

Asemfua biara firi asemfuakuo bi mu. Ɖfa yi mu, yebesua biribi afa nsemfuakuo akeseɛ a enonom ne edin, edin nkyerekyeremu, adeye ne ɔkyerefoɔ. Sɛ wote nsemfuakuo ase a, etumi ma wohunu asemfua biara dwumadie.

Adesua yi beko awieɛ no, na adesuafoɔ no tumi:

- i. Kyekye edin mu ko edin ahodoɔ mu (sɛ ebia, dinpa, dinhunu, edin a yenhunu, edin a yehunu, ne deɛ ekeka ho).
- ii. Kyekye edin nkyerekyeremu mu ko edin nkyerekyeremu ahodoɔ mu (sɛ ebia, oyikyere nkyerekyeremu, akontabudeɛ nkyerekyerere ne sukyere nkyerekyeremu) na woɔde aye ɔkasamu ahodoɔ.
- iii. Kyekye adeye mu ko fa-ɔyɛtia, amfa-ɔyɛtia ne fa-ɔyɛtia mmienu.
- iv. Kyekye ɔkyerefoɔ mu ko ɔkyerefoɔ ahodoɔ mu (sɛ ebia, yebea, beaɛɛ, eberɛ, anoɔden, dodoɔ, ampaye/akyinnyegyɛɛ).

Adwempɔ Ahodoɔ

Edin ye ahyensodeɛ a yede ma adeɛ biara. Yebetumi akyekye edin mu ako dinpa, dinhunu, edin a yehunu ne edin a yenhunu. Akontabudeɛ ye nkyerekyeremu a yede ma edin a yetumi kan anaa edin a yede akontabudeɛ toto ho a eye yie. Sukyere nkyerekyeremu nso kyerekyerere sɛdeɛ edin bi si tee pɔtee. Nkasaeɛ nkyerekyeremu ye nkyerekyeremu a eba edin a ekyerekyerere mu no akyi. Adeye ye asemfua anaa nsemfua a ekyere deɛ ɔyefoɔ bi reye anaa tebea a obi wom. Adeye ahodoɔ mmiensa nonom ne fa-ɔyɛtia, amfa-ɔyɛtia ne fa-ɔyɛtia mmienu. Ɖkyerefoɔ kyerekyerere adeye, edin nkyerekyeremu enna ɔkyerefoɔ foforo mu. Yetumi kyekye ɔkyerefoɔ mu ko akuo ahodoɔ mu sɛ ebia, yebea kyerefoɔ, beaɛ kyerefoɔ, eberɛ kyerefoɔ, dodoɔ kyerefoɔ, anoɔden kyerefoɔ ne ampaye/akyinnyegyɛɛ kyerefoɔ.

ADESUA YI MU NSENTITIRE

Montena akuakuo na ma wɔntwere nneema edu a ɛwɔ sukuu dan no mu ne deɛ ɛnni sukuu dan no mu edin. Afei, twere nsemfua mmienu a ɛfa *atenka* a wonyaa wɔ abɔnten ne wo sukuu dan mu no ka deɛ woatwere dada no ho. Nneema a wo kuo no twereɛɛ no ne deɛ akuo afoforɔ no nso twereɛɛ no ye adekorɔ anaa?

Ɛdeɛn ne edin?

Edin ye ahyensodeɛ a yede ma onipa, beaɛɛ, mmoa anaa adeɛ bi. Edin no bi nso ye adwenkyerɛ, tebea anaa atenka bi.

Edin ahodoɔ

Din pa

Din pa ye edin a yede ma onipa, beaɛɛ anaa adeɛ pɔtee bi a ɛye ɔbɔadeɛ-nsaanodwuma anaa ɔdasani-nsaanodwuma. Yede atwerɛdeɛ akeseɛ na ɛhye dinpa ase a ɛmfa ho ne beaɛɛ a ɛhye wɔ ɔkasamu bi mu. Nhwesɔɔ ahodoɔ no mu bi na edidi sɔɔ yi:

Nnipa din: Kyei, Fosu, Esinam, Adole, Iddrisu, Wakil, Kofi, Akuba, Yeboa, ne deɛ ɛkeka ho.

Mmeaɛɛ din: Afadjato, Accra, Winneba, Tamale, Nungua, Homase, Asuoho-Ankaase ne deɛ ɛkeka ho.

Enna a ɛwɔ nnawɔtwe mu din: Kwasiada, Edwoada, Benada, Wukuada, ne deɛ ɛkeka ho.

Abosome a ɛwɔ afe mu din: Oforisuo, Kɔtonimma, Ayɛwohomumɔ, Ɔsannaa, Ahinime, Ɔpenimma ne deɛ ɛkeka ho.

Nnwumakuo ahodoɔ din: Ɔkɔmfo Anɔkye Ayaresabea, Jubilee House, University of Education, ne deɛ ɛkeka ho.

Asuo ahodoɔ edin: Asuo Pra, Asuo Firaw, Asuo Densu, Asuo Ankonbra, ne deɛ ɛkeka ho.

Dinhunu

Yei ye edin a yede ma ‘nneema ahodoɔ’ bi a ɛnye titire, tebea, atenka anaa nneyɛɛ bi. Ye mfa atwerɛdeɛ keseɛ nni dinhunu biara ɛkan gye sɛ edi ɔkasamu bi anim. Yɛtumi de oyikyerɛ, akontabudeɛ anaa edin nkyerɛkyeremu bata ho. Ɛho nhwesɔɔ no mu bi ne pen, nwoma, pensere, efie, ɛdan, apataa, ɛtoa, gyaade, sekan.

Edin a yenhunu

Yei ye nsemfua a eda nsusuiɛ bi anaa adeɛ bi a yemfa yen ani nhunu adi. Yei gyina ho ma nneema bi a yenhunu na yeso mu nso a enye yie. Etaa kyerekyere nkatedee, nsusuiɛ ne atenka. Yei ho nhwesoo no mu bi ne anigyee, odo, awereho, eyadie, nokore, nyansa, ne dee ekeka ho.

Edin a yehunu

Yei ye edin a yede ma nneema a yehunu na yeso mu nso a eye yie. Yei nom ye nneema a atwa yen ho ahyia wo asase yi so a yehunu. Yei ye nneema a yetumi. Yei ho nhwesoo no mu bi ne eboɔ epono, mpa, nsuo, dotee, sankuo, twene, esono, ne dee ekeka ho.

Dwumadie 1

Kyekye edin ahodoɔ a edidi soɔ yi mu ko dinpa, dinhunu, edin a yehunu ne edin a yenhunu. Kyere senti a woyee no saa.

- i. okyerekyerefoɔ
- ii. epono
- iii. odo
- iv. Araba
- v. Adu
- vi. anigyee
- vii. nkabom
- viii. akonnwa
- ix. mframa
- x. eboɔ

Dwumadie 2

- i. Kyekye adesuafoɔ no mu akuakuo na ma wonkyere edin ahodoɔ a ewo abasem a ewo efam ho no mu.
- ii. Kyekye edin ahodoɔ a wonyaaɛ no mu ko edin akuo ahodoɔ enan a ewo efam ho no mu:

edin a yehunu

dinhunu

dinpa

edin a yenhun

- iii. Fa edin ahodoɔ a wohunuie no mu biara ye okasamu tiawa se ebia. Me *mpaboa* no sua.

Me Kurom Dwa mu Mpasatuo

Beaee bi wo me kurom a ehɔ ye bagyabagya a yefre ho edwam. Ehɔ ye anigyebea a nnipa hyia a ebinom tontɔn nneema ahodoɔ enna ebinom nso tɔ. Wobetumi anya nneema bi te se nnuaba ahodoɔ ne atosodee, afadee, nkuaba ne nneema ahodoɔ a yede di dwuma wo efie nyinaa bi wo ho.

Nnawɔtwe awiee biara no, me ne mabusuafoɔ ko edwam ho kodi edwa. Se yereye aduru ho a, mete se adetɔnfoɔ rebɔ won adetɔnnee ho dawuro ne adetɔfoɔ nso a wonenam edwa no mu bagyabagya redi edwa dee eye den.

Adee a medi kan hunu wo edwam ho ye nnuaba ne atosodee a wɔahyehye no fefeefo wo apata ahodoɔ mu. Nneema no mu bi nso ne ankaa a eye de yie, kwadu a abere ne borɔfere a agyegyee a eye fe. Nnɔbaee foforo a wɔde aba edwa no mu ho hua no gyegyee edwa no mu ho nyinaa na emaa me ho peree me se meko akɔtoto emu dee eye me akɔnnɔ no bi.

Bio, yekɔnenamm sotɔ ahodoɔ a wɔtɔn afadee ne nneema ahodoɔ nso mu. Mehunuu hyeete, sekeete ne mponporannee ahodoɔ a eye fe yie. Na eye me anigye se mehwehwe mpaboa ahodoɔ a wɔahyehye no mu ahunu dee meto de akoka dee mewo dada no ho.

Yekɔ so ara kyinkyinii edwam ho no, yekɔhunuu sotɔ ahodoɔ bi a na wɔtontɔn nkuaba ne kɔnmuaadee ahodoɔ fefe bi. Afei nso na enneema a yede gyegyee nkwadaa agoro ahodoɔ bi te se baaluu, buroniba ne dee ekeka ho nyinaa bi wo ho. Sedee na nkwadaa binom ani agye nneema a wɔde di agoro ahodoɔ a na wɔahyehye wo edwam ho no ho ye me anigye keke.

Ne korakora no, yekɔduruu beaee a wɔtontɔn nneema a wɔde di dwuma ahodoɔ wo efie. Eha yi no, na yehunu nkukuo ne nsereba ahodoɔ a yenoanoa mu wo gyaade ne samina ahodoɔ yede si nneema ne nneema ahodoɔ a yede siesie yen afiafie mu. Me maame tɔ adee bi a yehia a, na me nso magye asoa.

Yeβtoa yen adesua a efa edin ahodoɔ ho no so.

Edin a ekyere ekuo

Yei nso ye edin a egyina ho ma ekuo bi. Ekuo no betumi aye nneema, mmoa anaa nnipa. Yei ho nhwesoo no mu bi ne nkukuo, esa, saka, eduro, edom, asafo, ekuo,

sukuu, abusua, kuro ne deɛ ɛkeka ho. Edin a ɛkyere ekuo biara ye baakofoɔ emfa ho sɛ egyina ho ma nnipa, nneema anaa mmoa ahodoɔ bi.

Dwumadie 3

Montena baanu baanu na wɔmpɛ edin a ɛkyere ekuo ho nhwesɔɔ enum enum nka deɛ yeaboboɔ din dada no ho. Ma wɔne wɔn mfefoɔ nkye wɔn mmuaee ahodoɔ no.

Hwe ɔkasamu ahodoɔ a ewɔ fam ha yi, na kyere edin ahodoɔ a wɔasensan aseɛ no mu deɛ yetumi kan ne deɛ yentumi nkan.

- Eda mu dwumadie ahodoɔ akyiri no, **mmɔfra** no dedaa hatee.
- Hwe yie! **Asuo** no mu do.
- Na **odumgya ahyɛn** ne apolisifoɔ ahyɛn di santene no mu bi.
- Yɛpɛ nsuo **ntoa** akɛsɛɛ no.
- Onipa a ɔnoa aduane ma me no de **sradɛɛ** papa na ɛto keeki no.
- **Mmarahyɛbadwafɔɔ** dodoɔ sen na wɔn ho behia ansa na wɔatumi ahyɛ mmara bi?
- Mmɔfra dodoɔ no ara pɛ **nufosuo** gye Yaw.
- Wɔde **ntwoma** na aye nkukuo no mu dodoɔ no ara.
- Ofosu ne Anima tumi bo **asankuo**.
- Ɔbre dodoɔ nti, medii **twɔkoleti** adaka baako.

Ne tiawatwam ne sɛ, yetumi kyekye edin ahodoɔ mu kɔ akuo ahodoɔ akɛsɛɛ mmienu a enonom ne edin a yetumi kan ne edin a yentumi nkan. Edin a yetumi kan ye edin yetumi kan no mmaako mmaako anaa yede akontabudeɛ toto ho a, ɛye yie (Sɛ ebia. pen, atadeɛ, pensere, sikabɔto, papa, kyiniiɛ, amango, ankaa, ne deɛ ɛkeka ho.). Edin a yentumi nkan ye edin a yede ma biribi a yɛkan no mmaako mmaako a enye yie anaa yede akontabudeɛ toto ho a, enye yie. Eho nhwesɔɔ no mu bi ne ngo, emo, nsuo, amannebo, ne deɛ ɛkeka ho. Ahwiedɛɛ ne edin a yenhunu nyinaa ye edin a yentumi nkan.

MMOAKYIRE NSEMMISA

1. Fa wánkasa nsemfua kyerekyere edin mu.
2. Yiyi deɛ ɛdidi soɔ yi mu biara ho nhwesoo enum enum firi abasem a ewo fam ha yi mu;
 - i. Nnipa din
 - ii. Ɛda a ewo nnawotwe mu din
 - iii. Beaeɛ potee bi din
 - iv. Edin a yetumi kan

Kofi tuu ekwan koo kuro bi a na eben nakuraa. Okaa Benada. Kuro a otuu kwan koo so no ne Nkran.

Nkran ye kuro bi a ehoo ye fe a adan atenten ne ntiantia ahodoo a eye fe wowoo ho. Kofi ani gyee mmorosoo. Yei ne eda a edi ekan a Kofi baa kuro yi mu. Okaa sotoo keseɛ bi mu kototoo nneema bi te se baage, mpaboa, wookye, belete, hyeete ne deɛ ekeka ho. Na nani nhyeda nnye Nkran asetena ho esiane nneema booo a na eye den nti, okaa ntam se orentena kurom ho da.

3. Fa wánkasa nsemfua kyerekyere edin ahodoo yi ase na ma emu biara ho nhwesoo mmienu mmienu. Fa nhwesoo no mu biara ye okasamu tiawa mmiensa na ene wo mfefoo nkye.
 - i. edin a yehunu
 - ii. edin a yenhunu
 - iii. edin a yentumi nkan
 - iv. edin a ekyere ekuo

MMƆAKYIRE NSEMISA A ƐFA EDIN HO NO HO MMUAƐƐ

1. (MmuaƐƐ ho adwenkyerɛ) Edin yɛ ahyɛnsodeɛ a yɛde ma onipa, beaƐ bi, aboa anaa adeɛ bi.

Yɛbetumi aka sɛ, edin yɛ ahyɛnsodeɛ a yɛde ma nneɛma a atwa yen ho ahyia.

2.
 - i. Onipa din: Kofi
 - ii. Ɛda bi a ɛwɔ nnawɔtwe mu: Benada
 - iii. BeaƐ pɔtee bi din: Nkran
 - iv. Kuropon, akuraa, kuro, beaƐ, adan, afiafie, sotoɔ, nneɛma, baage, mpaboa, wɔɔkye, belete hyɛte, ɛboɔ
- 3 i. (MmuaƐƐ ho adwenkyerɛ) Edin a yɛhunu yɛ edin a yetumi hunu na yɛso mu nso a, ɛyɛ yie.

ANAASE

Edin a yɛhunu yɛ nneɛma a ɛda adi wɔ anisoɔ na yetumi nso sɔ mu ma ɛyɛ yie. Nhwɛsoɔ; sikabɔtɔ, nnua, nwi, gyeene, akonnwa, krataa ne dee ɛkeka ho.

- ii. Edin a yɛnhunu yɛ nimdeɛ, adwenkyerɛ, tebea anaa atenska.

ANAASE

Edin a yɛnhunu yɛ nneɛma bi a yɛmfa yen ani nhunu na yɛso mu nso a, ɛnye yie. Nhwɛsoɔ; boasetɔ, ɔɔ, ayamyɛ, anigyɛ, ne dee ɛkeka ho.

Edin a yɛntumi nkan yɛ edin a yɛde ma nneɛma a yɛkan no mmaako mmaako anaa yɛde akontabudeɛ toto ho a, ɛnye yie.

Edin a ɛkyerɛ ekuo yɛ edin a yɛde gyina hɔ ma nnipa, nneɛma ne mmoa ahodoɔ.

Seesei, woasua biribi afa edin ne edin akuo ahodoɔ ho. Afei, ma yɛnsua biribi mfa edin nkyerɛkyerɛmu ho.

Ɛdeɛn ne edin nkyerɛkyerɛmu?

Montena akuakuo na ma wɔntwerɛ nsemfua ahodoɔ mmiensa a wɔde bekyerɛkyerɛ saa nneɛma anaa nnipa yi mu;

- Wo sukuu dan
- Wádámfo pa
- Wákonnwa/ɛpono
- Sɛdeɛ wo sukuu mu ho asetena si tee

Edin nkyerɛkyerɛmu yɛ asemfua anaa nsemfua a yɛde kyerɛkyerɛ edin mu. Edin nkyerɛkyerɛmu yɛ asemfua anaa nsemfua a yɛde kyerɛkyerɛ esu ahodoɔ a ɛwɔ onipa anaa adeɛ bi ho. Edin nkyerɛkyerɛmu ho nhwɛsoɔ no mu bi ne ahahammono, tuntum, akokɔsradeɛ, fitaa, tiatia, tenten, fɛfɛ, kuhaa, kɛsɛɛ, ketewa, teatea, anigyɛɛ, awerɛhoɔ, nyansa, nokorɛ, ne deɛ ɛkeka ho. Deɛ ɛdidi soɔ yi yɛ akwan ahodoɔ a wɔafa so de edin nkyerɛkyerɛmu adi dwuma ho nhwɛsoɔ.

- i. Mepɛ efie *dada*.
- ii. Abarimaa no yɛ *tenten* ɛna ɔyɛ *teatea*.
- iii. Akua yɛ *onyansafoɔ* sene ne nuabarima no.

Ɔkasamu (i) mu no, asemfua *dada* no kyerɛkyerɛ efie pɔtee a ɔkasafɔɔ no pɛ. Ɔkasamu (ii) mu no, nsemfua *tenten* ne *teatea* no kyerɛkyerɛ sɛdeɛ abarimaa no bɔbea si tee. Ɔkasamu (iii) mu no nso, yɛde asemfua *onyansafoɔ* no yɛ ntotoho wɔ Akua ne ne nuabarima ntam de hunu wɔn mu deɛ ɔnim nyansa.

Edin nkyerɛkyerɛmu ahodoɔ

Edin nkyerɛkyerɛmu gu ahodoɔ nanso emu deɛ wobesua ɛho adeɛ no na ɛdidi soɔ yi;

- Oyikyere nkyerɛkyerɛmu
- Akontabudeɛ nkyerɛkyerɛmu
- Sukyere nkyerɛkyerɛmu
- Oyikyere nkyerɛkyerɛmu

Ɛha yi no, wɔde oyikyere nkyerɛkyerɛmu (yi, no, yeinom, ɛnonom) di dwuma sɛ nkyerɛkyerɛmu ɛfiri sɛ ɛka biribi pɔtee fa adeɛ a ɛkasa fa ho no ho de yi no kyere. Hwɛ nhwɛsoɔ a ɛwɔ aseɛ ha yi:

- a. Kaa yi yɛ mono.
- b. Afie *yeinom* yɛ maame no dea.

- c. Mpaboa *no* ye me papa dea.
- d. Akua reto kaa *yeinom*.

Ntotoho nkyerekyeremu

Yenam yei so de nnipa anaa nneema mmienu bi toto ho. Saa ntotoho nkyerekyeremu yi ho nhwesoo no mu bi ne ketewa sene, tenten kyen, kesee sene, tuntum kyen, kəkoo sene, gramoo sene, ne dee ekeka ho. Yede ntotoho nkyerekyeremu ho nhwesoo adi dwuma wo okasamu ahodoo a edidi soo yi mu:

- a. Aduane yi ye *fo sene* nkyene.
- b. Amma ye *onyansafo* kyen Kofi.
- c. Kaa no ye *fitaa sene* sakere no.
- d. Dua no ye *tenten kyen* edan no.

Akontabudee nkyerekyeremu

Edin nkyerekyeremu yeinom kasa fa nnipa anaa nneema bi dodoo ho. Akontabudee nkyerekyeremu ye nkyerekyeremu adwuma efiri se eka biribi fa nnipa anaa nneema bi dodoo patee ho. Hwe nhwesoo a edidi soo yi:

- a. Metoo apono *mmiensa* wo edwam ho.
- b. Onoaa nkosua *mmienu* maa me.
- c. Ohia asikyire nnaka *nkron*.
- d. Yewo sumiie *baako* wo yen dan mu.

Sukyere nkyerekyeremu

Sukyere nkyerekyeremu ye nkyerekyeremu a eka biribi fa edin bi su anaa ne tebea ho. Sukyere nkyerekyeremu taa da adi wo okasamu mu sene nkyerekyeremu nkaee no. Hwe nhwesoo a ewo fam ha yi:

- a. Kaa no ye *dada*.
- b. Mewo nwoma *ketewa*.
- c. Aduane no ye *akonn*.
- d. Mehunuu kaa *kese* wo kurom.

Dwumadie

1. San kohwe nsemfua a wohunuu wo adesua yi ahyeasee no mu. Kyekye nsemfua no mu ko oyikyere, akontabudee anaa sukyere nkyerekyeremu mu. Fa edin nkyerekyeremu ahodoo no mu biara ho nhwesoo no bi ka ho.

2. Kenkan abasem a ewo fam ho no na hwehwe edin nkyerekyeremu ahodoɔ a ewowom no. Kyekye edin nkyerekyeremu a woahunu no mu ko oyikyere, akontabudee ne sukyere nkyerekyeremu mu na wone wafefo nkye.

Ansa na akoko rebɔn ne mprensɔ soɔ saa anɔpa no, na nnipa a wɔwɔ kuro kumaa Alata mu no akɔbɔ dɔmpem retwen ɔhene no. Na adehyee no nyinaa furafura afadee fitaa.

Na wɔde ntoma fitaa abobɔ wɔn nsa a wɔnhyehye mpaboa.

Na wɔahyia ho rebeyi wɔn ɔhene no aye. Abakɔsem kyere se, tete ho no, ɔhene a ɔte akonnwa so seesei no nana bi yee adee nwanwasoɔ bi de boaa nnipa a wɔwɔ kuro kumaa no mu. Ɖtwitwa gyee wɔn wɔ bere a awia ketekete bi wɔn mfuo nyinaa hyehyeee maa ekɔm kɛsee a ekum ɔkɔtɔ too anwea pradadaa soɔ te sii kuro kumaa no mu. Ekɔm dee nnipa a na wɔwɔ kuro kumaa no mu maa wɔtotɔɔ baha a wɔn anidasoɔ nyinaa saee.

Saa ɔhene yi nana no na ɔkɔfaa aduane a enye kumaa firii n'afuom de maa nnipa a na wɔwɔ kuro kumaa no mu diie. Saa adee no nti, kuromma no sii no ɔhene de hyee no animuonyam. Afe biara mu no, na wɔkɔsra no de kyere wɔn anisɔ wɔ adee kɛsee a ɔye maa wɔn no ho.

Sedeɛ eda adi wɔ nhwesɔɔ ahodoɔ a ewowɔ fam ho no, sukyere nkyerekyeremu no tumi ba edin no akyi wɔ nkasaee no mu wɔ bere a etoa adeye “ye” so.

- a. Efiɛ no ye ketewa.
- b. Wɔɔkye a ebɔ wo no ye fe.
- c. Amango a woredi no ye kɔkɔɔ.
- d. Dua a mehunuie no ye tenten.

Saa sukyere nkyerekyeremu yi nso tumi ba edin a ekyerkyere mu no akyiri pɛɛ. Borɔfo Kasa mu no, eba edin no anim nanso Asante Twi mu dee, eba edin a ekyerkyere mu no **akyi** sedeɛ yehunu no wɔ nhwesɔɔ a ewowɔ fam ha yi mu no:

- a. Efiɛ ketewa no nie.
- b. Mehunu dua tenten wɔ ho.
- c. Me maame tɔɔ wɔɔkye fɛɛfe maa me.
- d. Yedi amango kɔkɔɔ da biara.

Mmɔakyire nsemmissa

1. Kyekye edin nkyerɛkyerɛmu a ɛwɔ fam hɔ no mu kɔ nkyerɛkyerɛmu akuo ahodoɔ no mu na wone wáfɛfoɔ nkyɛ wo mmuaɛɛ no. Ekuo biara nkyerɛkyere senti a wɔyɛɛ wɔn mmuaɛɛ no saa.

- i. ahoɔfɛ
- ii. tenten
- iii. dɛ
- iv. akɔnnɔ
- v. ɛfa
- vi. kɔkɔɔ
- vii. atirimuɔden
- viii. bruu
- ix. denden
- x. ɛno
- xi. saa
- xii. mmiɛnsa
- xiii. bi

2. Kenkan abasɛm yi yie na bua nsemmissa a ɛdidi soɔ no.

- i. Kyerɛkyere edin nkyerɛkyerɛmu a ɛwowɔ abasɛm no mu nyinaa.
- ii. Kyekye edin nkyerɛkyerɛmu a woahunu no mu kɔ nákuo ahodoɔ no mu.
- iii. Fa akuo ahodoɔ no mu biara ho nhwesɔɔ enum enum yɛ ɔkasamu.

John tuu kwan kɔsraa ne nuabarima panin wɔ kuro kɛsɛɛ mu dɛɛ edi kan koraa. Eberɛ a ɔsi firii lɔɔre mu no, sɛdɛɛ na kuro no mu yɛ fɛ no maa n'ani gyee yie pa ara. ɔhyɛɛ aseɛ hwɛɛ adan atenten, akwan fɛfɛ ne sɛdɛɛ nnipa si redi akɔneaba no. Dɛɛ John hunuiɛ no maa ne werɛ firii sɛ ɔbefrɛ ne nuabarima panin no ama no abɛfa no afiri ahyɛngyinabea hɔ akɔ efie. Prɛkɔpɛ, n'ani baa ne ho so maa ɔyii náhomatonomfoɔ dada firii ne baage tuntum mu de hyɛɛ aseɛ frɛɛ ne nuabarima no. ɔkaɛɛ Immediately, he remembered, John pulled his old phone from his black

bag and began to call his brother. Ansa na ne frɛ no bɛkɔ awieɛ no, kaa fitaa bi begyinaa beaɛ a na John gyina hɔ baabi. John nwenweneɛ, buee kaa no pono a ɛdi kan no enna ɔtenaa mu. Esiane sɛ na ɛfiri dee John gyina hɔ rekɔ baabi a ne nuabarima panin no tee ye basafa dunum pɛ nti no, ankyɛre koraa na wɔn baanu duruu ɛfie. John gyee nàhome wieɛ no, wɔde aduane akɔnnɔ-akɔnnɔ bi bɛmaa no akwaaba.

Ɛdeen ne adeye?

Ɛdeen na woyee no anɔpa yi? Tweretwere dee woyeee no nyinaa.

Ɛdeen na wosusu fa nneema ahodoɔ a wosua wɔ wo sukuu mu no ho? Tweretwere wo nsusue no nyinaa.

Hye no nso se, wo ne wáfefoɔ bekye wo nsusue ahodoɔ no.

Adeye ye asemfua anaa nsemfua a ekyere dee oyefoɔ bi reye. Adeye san tumi ye asemfua anaa nsemfua a ekyere tebea a oyefoɔ bi wom (se ebia; tu, so, ware, nyini, hua, di, dɔ, si, som, hwe, hunu, pe, ne dee ekeka ho).

Adeye tumi ba okasamu mu a ewɔ oyetia anaa enni oyetia mu. Yetumi kyekye adeye mu nya fa-oyetia, amfa-oyetia ne fa-oyetia mmien.

Fa-oyetia

Fa-oyetia ye adeye a efa edin a edi dwuma se oyetia di nákyi wɔ okasamu mu. Yei ho nhwesɔ no mu bi ne noa, nom, ka, sa, di, twere, boro, ne dee ekeka ho. Eho nhwesɔ no bi na yede aye okasamu wɔ fam ha yi:

1. Okyerekyerefoɔ no *noaa* emo.
2. Adesuafoɔ no *saa* nsuo.
3. Kofi ne Adwoa *di* fufuo.
4. Akwadaa *tɔ* nnuaba.
5. Akwantufoɔ no *foroo* kaa no.

Nsemfua a yeakyeakyea no wɔ okasamu no mu nyinaa ye fa-oyetia. Oyetia ahodoɔ no nyinaa ba adeye no akyi. Nhwesɔ 1 mu no, oyetia a ewom no ne *emo*, enna nhwesɔ (5) mu no, oyetia a ewɔ mu no ne *kaa*.

Amfa-oyetia

Yei nso ye adeye a edin a edi nákyi no nni dwuma se oyetia – saa adeye yi nhia oyetia ansa na nteasee ada adi wɔ okasamu mu. Asemfua anaa nsemfua a edi saa adeye yi akyi no taa ye okyerefoɔ anaa adeye boafɔ. Saa adeye yi ho nhwesɔ no mu bi ne firi, kɔ, te, nante, su, wu, da, didi, kasa, sa, hram, nyini, ne dee ekeka ho. Eho nhwesɔ no mu bi na ewɔ fam ha yi:

1. Abarimaa no *hram* anɔpa biara.
2. Anomaa no *tu* ntemntem.
3. Osuani no *firi* Asuoho-Ankaase.

Adeye a yeakyeakyea no wo okasamu no mu nyinaa ye amfa-oyetia. Nhwesoo 1, 2 ne 3 mu no, nsemfua a eba saa adeye no mu biara akyi no ye okyerefoo na enye oyetia.

Adesua a efa okyerefoo ho no beba akyire yi.

Fa-oyetia mmienu.

Fa-oyetia mmienu ye adeye a efa edin mmienu a baako di dwuma se oyetia na baako nso di dwuma se ogyefoo. Oyetia no ne edin anaa dinnsiananmu a ogyefoo no dwumadie ho nsunsuansoo ko ne so. Bio, ogyefoo no ne edin anaa dinnsiananmu a egye adee a ogyefoo no de ma no. Fa-oyetia mmienu ho nhwesoo no mu bi ne *ma*, *kye*, *twere*, *ne* dee ekeka ho. Eho nhwesoo na ewo fam ha yi:

1. Awofoo no *maa* akwadaa no paanoo.
2. Okyerekyerefoo *kye* adesuafoo no sika.
3. Ofosu tweree *Barima* Kyei krataa.
4. Obaa no *kyee* nadamfo no mpaboa
5. Akosua *ma* Amma aduane.

Nhwesoo 1 mu no, ogyefoo no ne *akwadaa* enna oyetia no nso ne *paanoo*. Nhwesoo 4 mu no, ogyefoo no ne *adesuafoo* enna oyetia no ye *sika*.

Dwumadie 1

1. Edeen ne adeye? Fa wankasa nsemfua kyerekyere mu.
2. Kyerekyere adeye akuo ahodoo mmiensa no mu biara mu tiawa.
3. Kyekye adeye a edidi soo yi mu ko fa-oyetia, amfa-oyetia ne fa-oyetia mmienu mu wo bere a wode (✓) rehyehye adaka a efata mu:

Adeye	Fa-oyetia	Amfa-oyetia	Fa-oyetia mmienu
bu	✓		
ma			✓
sese			
to			

kenkan			
sa			
nante			
kye			
twere			
pia			
hram			

Dwumadie 2

Wo ne wo yonko nkenkan abasem a ewo fam ho no. Hwehwe adeye a ewo mu no nyinaa na kyekye mu ko fa-oyetia, amfa-oyetia ne fa-oyetia mmienu. Se mowie a, monka mmom mfa adeye a moahunu no mu beye enum nye okasamu. Se ebia, *Anka na mepɛ se mesua adeɛ kyere.*

Na ekwan a efiri asuo no agya de rekɔ n'agya no mmoro basafa aduonum, nanso anka na mepɛ se meboroo asuo a emu do na ani ye korogyee beye kwansini baako anaa dee eboroo saa. Na osusu se adenkyem wo asuo no mu.

Meyee krado se meresi asuo no mu no, mede me etuo hyee m'anom kaa me se sii so boɔ mpaee te sii nsuo a atekye wom no mu. Meboroo te se obi a oresua asudwaree foforo. Na asorokye no ano nye den saa enna na nsuo no mu aye dedeɛdedeɛ kakra nanso na hu aka no, eno nti na ontumi mmoro asuo no nko ntem.

Oboroo asuo no duruu mfimfini no, mpofrem na ohunuu se asuo no mu aye tia. enam so maa me koko kotwii atekye-kokoɔ bi wo asuo no mu. Na mesusu se eye adenkyem, ebaa saa no, etuo no gye firii m'ano.

Menantee asuo no mu basafa kakra na mekopuee beaee a ehɔ do bio. M'ani baa me ho so no, na maduru asuo no agya. Mede ahoporoɔ foro koɔ asuo no kokoɔ so. Metumi twaa asuo no dee nanso na mahwere m'akodee.

Edɛn ne Okyerɛfoɔ?

Hwe mfonini a ewo fam ho no. Sen na woresi tu mmirika no? Eye eda no mu eberɛ ben? Beae ben na dwumadie no rekɔ soɔ? Aden nti na saa dwumadie no rekɔ soɔ?



Ɔkyerefoɔ ye asemfua anaa nsemfua a ekyerekyere adeye mu wɔ akasamu mu. Ɔkyerefoɔ tumi san kyerekyere akyerefoɔ foforo mu. Dwene sedee wosi nante koo sukuu enne no ho, na eye bɔee, ntem anaa ntemntem? Ebetumi aba se wonantee ntemntem koo sukuu. Asemfua *ntemntem* no kyere sedee wosi nante koo sukuu faee ne saa nti, eye akyerefoɔ. Ɔkyerefoɔ nkyekyemu ahodoɔ no gyina sedee esi kyerekyere adeye a ekyerekyere mu no so. Nkyekyemu ahodoɔ nonom ne: yebea kyerefoɔ, beaee kyerefoɔ, eberɛ kyerefoɔ, dodoɔ kyerefoɔ, anoden kyerefoɔ ne ampaye/akyinnyegyee kyerefoɔ.

Yebea kyerefoɔ

Saa akyerefoɔ yi kyerekyere ekwan a ayefoo no fa so ye biribi anaa sedee dwumadie bi si ko so fa mu. Eho nhwesoɔ na edidi soɔ yi:

1. Osuani no nantee *ntemntem* koo sukuu.
2. Bɔɔlobɔfoɔ no bɔɔ bɔɔlo no *bɔee*.
3. Adwontofoo no too dwom no *bɔkɔɔ*.
4. Anomaa no tuu *shareso*.

Beaee kyerefoɔ

Beaee kyerefoɔ ka biribi fa beaee pɔtee a dwumadie bi ko so anaa ayefoo bi ye biribi ho. Eho nhwesoɔ no mu bi na edidi soɔ yi:

1. Adesuafoɔ no ginyagyina *abɔnten*.
2. Kwasi ne Adwoa Badu reda wɔ *aborosan* no so.
3. Adesuafoɔ no toto nkrataa gugu *baabiara*.
4. Adwoa Badu firi *Asankragwa*.

Ɛberɛ kyerefoɔ

Ɛberɛ kyerefoɔ nso ka biribi fa ɛberɛ pɔtee a dwumadie bi kɔ so anaa ɛberɛ pɔtee bi a ɔyefoɔ bi ye biribi ho. Ɛho nhwesoo wɔ ɔkasamu mu na edidi soɔ yi:

1. Adesuafoɔ no twerɛɛ sɔhwe no *nnora*.
2. *Enne*, yɛbedi yen awiabere aduane wɔ adwuma mu.
3. Yɛbeyɛ nhyiamu *anɔpa nnɔnkron*.

Dodoɔ kyerefoɔ

Yei nso kyere mpen dodoɔ a dwumadie bi kɔ soɔ anaa mpen dodoɔ a ɔyefoɔ bi ye adwuma bi. Saa ɔkyerefoɔ yi tumi di ɔkasamu anim anaa akyi nanso ɔkyerefoɔ ahodoɔ no mu kakra bi na etumi di ɔkasamu anim, mfimfini anaa akyire. Dodoɔ kyerefoɔ ho nhwesoo no mu bi ne afeafe, mprenu, mprensa, prekope, da, ɛberɛ biara, nnawɔtwe-nnawɔtwe, da biara ne deɛ ekeka ho. Ɛho nhwesoo no mu bi na edidi soɔ yi:

1. Wɔhyɛ fa *afeafe*.
2. *Da biara*, yɛdidi
3. Yenkwɔ ho *da*.
4. Wɔhyɛ nkwadaa nkuran se wɔntwitwi wɔn se *ɛberɛ biara*.
5. Meba ha *nnawɔtwe-nnawɔtwe*.

Ɔkasamu a ɛwowɔ esoro ho no mu no, dodoɔ kyerefoɔ a ɛwowɔ mu nonom ne *afeafe*, *da biara*, *da*, *ɛberɛ biara* enna *nnawɔtwe-nnawɔtwe*. Nhwesoo (2) mu no, ɔkyerefoɔ *Da biara* di ɔkasamu no anim. Nhwesoo (5) mu no nso, ɔkyerefoɔ *nnawɔtwe-nnawɔtwe* di ɔkasamu no akyi.

Anoɔden kyerefoɔ

Saa ɔkyerefoɔ yi ye asemfua anaa nsemfua a ɛkyerekyere adeye anaa ɔkyerefoɔ foforoɔ bi mu de kyere sɛdeɛ dwumadie bi ano den si tee anaa sɛdeɛ ɔyefoɔ bi dwumadie ano den si tee. Ɛho nhwesoo no mu bi ne yie, pa ara, pasaa, dwerɛbee, sɛ, dodo, defedefe, ne deɛ ekeka ho. Ɛho nhwesoo no mu bi na edidi so wɔ fam ho no:

1. Maame no kasa *dodo*.
2. Wɔpraa edan no mu *yie*.
3. Na ne mmɔdemmo no sɔ ani *sɛ*.
4. Ababaawa no yɛɛ aberantee no *defedefe*.

Ampaye/Akyinnyegyee

Saa okyerefoo yi ka biribi fa dwumadie bi a ensi pi anaa oyefoo bi a nádwene ye no ntanta wɔ dwumadie bi ho. Eho nhwesoo no bi ne ebia, dabre, gyama, sese, ne dee ekeka ho. Eho nhwesoo wɔ okasamu mu na edidi so wɔ fam ha yi:

1. *Ebia* Barima Kyei beko Asuoho-Ankaase.
2. *Dabre* wadi nkonim wɔ sohwe no mu.
3. *Gyama* Adwoa Badu wɔ efie.
4. *Sese* ekom nne Ofosu ne Anima.

Dwumadie 1

San dwene dwumadie a edi kan wɔ adesua no mu no ho. Wobetumi anya okyerefoo ahodoɔ akyerekyerɛ dwumadie ahodoɔ a ereko so wɔ mfonini no mu mu. Gyina okyerefoo akuo a woasua no so na kyekye okyerefoo ahodoɔ a wohuniɛ no mu. Afei montena baanu baanu na momfa okyerefoo no nye okasamu enum mfa dwumadie a ereko so wɔ mfonini no mu no ho.

Dwumadie 2

1. Kyerekyerɛ twaka a eda okyerefoo ne adeye ntam na wo ne wo afefoo nkyɛ wo mmuaɛɛ no.
2. Kyerekyerɛ okyerefoo akuo ahodoɔ no mu na ma emu biara ho nhwesoo mmiensa mmiensa.
3. Fa akuo no mu biara ho nhwesoo mmienu mmienu ye okasamu.
4. Kyekye okyerefoo ahodoɔ a edidi soɔ yi mu ko okyerefoo akuo a woasua no mu na kyere senti a woyee no saa.
 - i. ntemntem
 - ii. yie
 - iii. breɛ
 - iv. nnora
 - v. da
 - vi. se
 - vii. afeafe
 - viii. dodo

- ix. defedefe
- x. anɔpa

Dwumadie 3

Hwehwe ɔkasamu ahodoɔ no mu na kyere ɔkyerefoɔ ahodoɔ a wɔde adi dwuma wɔ emu biara mu. Afei, yiɔ ɔkyerefoɔ enum anaa deɛ ɛboro saa firi ɔkyerefoɔ ahodoɔ a wohunuie no mu na wo ne wáfefoɔ nkye adwene wɔ ho.

1. Adesuafoɔ no de wɔn adwenkyere to dwa da biara.
2. Ahomatonomfoɔ no kɔ so fre ɛbere biara.
3. Nnipa no nyinaa kɔ abɔnten.
4. Mate abasem no pen.
5. Gyama ɔnnim no.
6. Woreka lɔɔre no basabasa.
7. Da biara, meye deɛ metumi.
8. Ebia na ɔreka nokore.
9. Yɛpɛɛ ɔhaw no pomasibre ntem.
10. Aberewa no kasa dodo.
11. Nkwadaa no di agoro pa ara.
12. Adɛn nti na woda so wɔ ho?
13. Wɔhye fa afeafe.
14. Menhyiaa bi da.
15. ɔponko no tu mmirika bubububu.

Mmɔakyire Nsemmsisa

ƆFA A: ADEYE

1. Nsonsonoeɛ ben na ɛda adeye a ɛkyere dwumadie ne dee ɛkyere tebea ntam?
2. Hwehwe adeye a ɛwɔ abasem a ɛwɔ fam ho no mu nyinaa na fa wo mmuaee no toto wáfefoɔ dee ho:

Mekɔɔ mpoano no, metuu mmirika, mehurie enna mesaa wɔ epo asorɔkyee no mu. Owia no bɔɔ pa ara maa me ho woeɛ na me ho sisii me ho so. Meboroo epo nsuo no bobɔɔ bi guie, enna medii agoro wom wɔ bere a na mede anigyee renwenwene. Asunoma no tu faa ewiem, na wɔsu bɔɔ wɔn ntaban mu papapapa. Meboaboa mpoano anwea ano maa eyee esie tenten na mede mpoano aboɔ ne nwatonturowa siesiee ho fefeeɛ. ɛda no kɔɔ nánim no, metuu mpasa de faa epo no ano na mehunu nneema bi a na asuma a me were remfiri eho asem da biara da.

3. Kyekye adeye a wohunu wɔ abasem a ɛwɔ esoro ho no mu kɔ adeye akuo mmiensa a woasua ho adee no mu.

ƆFA B: ƆKYEREFOɔ

1. Twere dwuma ahodoɔ bi a wotaa di no da biara na kyerekyere ekwan a wofa so di no, eberɛ korɔ pɔtee a wodi no, beaee pɔtee a wodi no ne senti a wodi saa dwuma ahodoɔ no kyere wáfefoɔ.
2. Twere ɔkyerefoɔ ahodoɔ a wáfefoɔ de dii dwuma no na kyekye mu kɔ ɔkyerefoɔ akuo no mu.
3. Fa nsemfua beye aduonum (50) twere abasem fa ewiem nsakraee ne nnipa a wɔtete wo mpɔtam ho no ho. Fa ɔkyerefoɔ edu (10) anaa dee ɛboro saa di dwuma wɔ wábasem no mu.

MMƆAKYIRE NSEM̩MISA NO HO MMUAƐƐ

ƆFA A:

- 1) (mmuaƐƐ ho adwenkyerɛ) Adeyɛ a ɛkyerɛ honam ano dwumadie ahodoɔ ɛnna adeyɛ a ɛkyerɛ tebea nso kyere tebea, atenka ne adwenkyerɛ.
- 2) Adeyɛ ahodoɔ a ɛda adi wɔ abasem no mu no ne kɔɔ, tuu, huruiɛ, saa, bɔɔ, maa, woeɛ, sisii, boroo, bobɔɔ, guiɛ, dii, renwenwene, tu, faa, su, boabooa, yɛɛ, de, siesiee, hunuu, asuma, remfiri.

Fa-ɔyɛtia	Amfa-ɔyɛtia	Fa-ɔyɛtia mmienu
hunuu	kɔɔ	maa
bɔɔ	saa	
huruiɛ	woeɛ	
boroo	sisii	
bobɔɔ	guiɛ	
dii	renwenwene	
de	tu	
remfiri	faa	
	tuu	
	asuma	

ƆFA B

- 1) Adeyɛ a ɛbetumi apue wɔ wo dwumadie no mu no bi ne didi, dware, sɔre, kasa ne deɛ ekeka ho. Ɔkyerɛfoɔ ahodoɔ nso a ɛbetumi apue wɔ wo dwumadie no mu bi ne ntemntem, ntem, brɛɛ, nyaa, ebia, gyama, dabre, pa ara, da biara, ne deɛ ekeka ho.
- 2) Nsonsonoeɛ betumi aba wo ne wáfɛfoɔ mmuaƐƐ no mu.
Ɔkyerɛfoɔ akuo no nso betumi ayɛ yɛbea, ɛberɛ, dodoɔ, ne deɛ ekeka ho.

3) Akenkansem ho nhwesoo:

Enne, ewiem nsakrae no ye *pa ara*. Owia rebɔ *dendeenden*. Nkwadaa no wɔ abɔnten redi agoro *anigyeeso*. Wɔnom nsuo *mpen pii* esiane ewiem hyee nti. Nnipa no mu bi kɔ mpoano kɔdware epo mu. Ebinom nso nante *anihaso* wɔ epo no ano enna ebinom nso di ahurisie *anigyeeso* wɔ epo no mu. Ebinom nso rete fifire *pa ara* wɔ owia kataban so. Mpanimfoɔ no te ho dinn rehwe nkwadaa a wɔredi agoro *anigyeeso* no enna mmaa mpanimfoɔ no nso retɔn nsuo ma nnipa *anibereeso*.

EXTENDED READING

Adomako, K., Odoom, J. and Sackitey, M. (2023). *Akan kasa nhyehyeeɛ wɔ Asante Twi mu*. Adonai Publications Limited (Topic on verbs, nouns and adjectives)

Amegashie, S.K. (2004). *Evegbe ɲɔɲɔ*. Victus Printing Services.

Fromkin, V. & Rodman, R. & Hyams, N. (2007). *Introduction to Language* (Eighth edition). Thomson Wadsworth. (topic on verbs, adverbs, nouns and adjectives)

Joshi, M. (2021). *Nouns in the English Language: Types and examples*. Manik Joshi. (Topic on nouns)

Thakur, D. (1998). *Linguistics simplified: Syntax*. Bharati Bhawan. (open word class which are nouns adjectives, verbs and adverbs)

REFERENCES

Haspelmath, M. (2001). Word classes and parts of speech. *In International Encyclopedia of the Social and Behavioral Sciences* (pp16538-16545). Doi:10.1016/Bo-08-043076-7/02959-4

Lier, E. V. (2024). *The Oxford Handbook of Word Classes*. Oxford University Press.

Miguel, J. M. G. (2015). *Transitivity and word classes*. <https://doi.org/10.1075/ivitra.9.13gar>

Prempeh, A. A. (2021). *Asante Twi Nyansapɔ*. Premesco Publications.

Simone, R. & Masini, F. (eds). (2014). *Word classes (Current Issues in Linguistic Theory)*. John Benjamins Publishing Company.

ACKNOWLEDGEMENTS



Ghana Education Service (GES)

